

<<再見海洋>>

第一場

一名穿著實驗室袍，戴實驗室眼鏡的科學家站在台中央

科學家：成功了！成功了！（脫下眼鏡，雙手把儀器高高舉起，很珍惜的樣子）
（整個舞台黑暗一片，只有一射燈照著科學家）

科學家：人類和動物的矛盾終於可以化解了。只要把這個儀器繫在動物的頸上，我們就聽得懂牠們的話語了。從此以後，我們可以接收到動物的真正想法，這一定可以化解人類既危機....

第二場

（一名穿著西裝的男子正在一間工廠裡視察著產品的生產情況。時不時點著頭，視乎很滿意工廠的運行。此時工廠裡的一名正在運輸帶工作的職員焦急地跑到男子面前，手忙腳亂的）

職員達叔：“老闆老闆，唔好意思阻你小小時間，頭先工廠排汙管外面那片海域，有三隻白海豚在在海上徘徊著，不斷發出聲響，無論怎樣都不願離開。我使用了溝通器叫佢地走，但佢地卻話要見老闆你...

男子（即廠長）：“嗯.....得啦得啦，我待會去見下佢地，你去做野啦。”

（廠長歎了一聲氣後，便轉身前往工廠排汙管外的海域。）

（三隻海豚在海上圍著圈繞著，轉來轉去）

海豚智智：（發出海豚般尖銳的叫聲...！！！！！！！！！！）

（廠長看了看後，便帶上了溝通器）

廠長：“又系你哋啊，甘次已經系第幾次啦.....”

（海豚衝衝打斷了廠長的話）

海豚衝衝：“收聲，人類，你根本就不可信任，上次再上次你都應誠過我哋，話唔會再排咁多未處理嘅染物出來，但事實系...根本就冇改善過，甚至仲惡化咗添！豈有此理！！！”

（海豚智智拍了拍衝衝）

智智海豚：“你冷靜啲先，實有辦法解決嘅...廠長先生，我想問就系琴晚早上嘅時候，你哋工廠嘅人竟然將一堆又一堆嘅泥土倒入海裡，我想瞭解下到底發生咩事？”

廠長：“其實呢個...呢個系叫填海，系為咗擴展我哋嘅工廠而有嘅計畫，我...我勸你哋最好就快啲搬走了”

（突然，第三只海豚棄棄終於發聲）

棄棄：“我哋都話咗好多次啦，其實可以搬早就搬咗啦，但問題系如果我哋搬走了去其他嘅地方，就一定會死，因為我哋根本唔熟悉果度嘅環境...食物。算啦...我哋實死梗嘅啦...冇希望啦...”

廠長（用手輕托著額頭，歎了一聲氣）：“總之，咁次系最後通牒，或者你哋好慘，但如果我唔咁做，就會損失了好多好多，所以...對唔住。日後你們有什麼需要，即管來找我，食物呀，什麼的，我會盡力幫忙。”

（說完，廠長馬上把溝通器脫下，然後看著3只海豚不斷發出高聲頻的叫聲，以及不斷潑著水。）

不行、不行，你不了解，我們不是任何水域都可生存的.....

（廠長轉身離去，燈滅。）

（此時，燈滅，只有一盞燈照著廠長）

廠長：“唉，你哋根本就唔明白，...這間工廠一定要擴張、一定要擴張....不擴張不進步，我們的傢俬怎樣跟世界各大的品牌競爭？

我有很多工人要照顧....工廠倒閉員工會失業.....達叔（員工）的太太懷孕了.....我唔顧自己，都要顧住班員工既飯碗.....

（轉身走入工廠，燈滅。）

第三場

(燈亮, 台中心有一群職員舉著酒杯, 聚在一起慶祝工廠的成功)

眾職員: 飲杯!!!

廠長: TESTING TESTING.....請大家靜一靜.....

(眾職員散開, 攜著酒杯分別走到三張不同高圓檯)

廠長: 感謝大家這三年來的努力, 我們的工廠愈做愈大, 現在世界各地, 沒有人不認識我們品牌的傢私.....

職員達叔(氣喘喘啲): “斃...斃啦, 老闆老闆!

(二三名職員用手蓋著達叔的口, 把他拉開)

(廠長看著他, 蹙一蹙眉)

(職員掙扎開)

職員達叔(氣喘喘啲): 你...你仲記唔記得好耐以前果...果3只海豚呀?! ”

廠長: “梗系記得啦, 3年了, 牠們消失了似的, 唔通你有關於佢哋嘅消息? (心中有愧)

(職員達叔邊呼氣邊吸氣, 像很累般。彎腰雙手放在膝蓋上)

職員達叔: “系...系啊, 午間新聞報導, 佢哋.....全部都死晒...啦。”

(廠長面上的笑容馬上消失)

(此時為廠長的內心場景, 除廠長外的所有人停止動作, 定格, 且燈光聚集在廠長身上, 只有廠長照常說話。)

(此時, 三個黑衣人走出, 站在廠長身旁。他們為廠長內心想像的海豚。)

廠長(內心): “欸...原來佢哋三隻野咁就死左...不過...我...我有勸過佢哋啊...明明已經叫佢哋離開.....唔關我事既, 一定唔關我事, 一定....”

(廠長坐在凳子上, 苦惱的用手托著頭。此時廠長的分身出來了, 角色為以前的廠長。廠長則一直在凳子上看著。)

廠長回憶起以往的事。

黑衣人(智智): “咦, 未見過你喔, 你系最近系尼度住嘅人類...? 你好啊, 我叫智智。”

廠長分身: “啊...啊, 你好啊! 我系廠長啊, 呢一間細細間嘅工廠, 系我最近落成噶, 估唔到...呢一片附近嘅海洋, 竟然仲有咁多可愛嘅海豚喺度。我以後就會住喺呢度, 多多指教啊。”

黑衣人(智智):“多多指教!”

(凳子上的廠長用雙手不斷撓著頭, 很煩惱似的。)

黑衣人(衝衝):“噢! 廠長先生, 點解你今日一直系度望住個海嘅? 喺唔喺有啲咩心事啊?”

廠長分身(沮喪的樣子):“我呢間細工廠...可能要倒閉啦...因為最近好少客人嘅關係...”

黑衣人(衝衝):“噃...既然喺咁嘅話, 你不如在工廠搞一個開放日啊! 然後我再叫埋我啲手足來表演下, 應該會增加唔少嘅客人噃!”

廠長分身:“好呀!!! 呢個...真系個好主意啊, 多謝你啊!”

黑衣人(衝衝):“傻啦, 幫到你就好, 唔洗咁客氣嘅!”

廠長(突然站立):“夠啦! 我唔要再諗落去啦! 雖然好對唔住佢哋, 但宜家後悔都黎唔切啦.....人人都話...做大事系要有犧牲嘅...”

(此時回到現實。所有人的動作解除定格。)

廠長:“...原來佢哋死咗...我...我以後對其他海豚好D啦, 我而家有錢, 我可以幫佢哋, 我建一個人工海域為牠們的保護區.....”

(職員撓了撓頭, 有點不好意思的)

職員達叔:“但.....但系...”

廠長(疑惑地看著職員)

職員達叔小聲地說道:“果3只...其實系世界上最後嘅白海豚。宜家...佢哋已經全部絕種啦...沒有什麼可以做.....”

(廠長的表情突然僵成了一塊。甚至連動作都僵硬起來。)

廠長(拍了拍的達叔的肩膀):“冇事, 放心啦, 做大事.....一定要有犧牲嘅...”

(廠長再次站在台上)

廠長:感謝各位員工多年來的努力.....工廠的業績很好.....本工廠決定在今年開始發展環保的建設.....工廠開始發展各式各樣的再生能源, 如太陽能, 潮汐能等等..每年以種100000棵樹為目標。

第四場

旁白:“一個個的5年過去了, 雖然廠長開始意識到關於環境的問題, 開始發展環

保，但事實是，環境已經越來越差...每況愈下。終於！在第5個5年過去後的那一年，大自然開始好不留情地反擊，各種因海平面上升的海嘯，因全球暖化的極端氣候，以及因生物一個個嗆死去。全球人類大量減少，因饑荒，環境，或病毒，一個一個嗆死去。而工廠，也難逃災難的一劫。”

（燈亮）

職員達叔：“快啲走啊！老闆！啲水就黎浸到埋黎啦！！！”

職員二：“算啦，我哋唔好理佢啦，快啲走啦，走慢啲會連命都有埋啦！”

職員三：“海水不斷湧入工廠啦，所有的職員都離開了，廠長，你為什麼還不離開。海平面上升，這片土地要被大海掩蓋，快D走啦！！！”

廠長跪在地上，跪在當初海豚跟他交談的那片地上。

廠長（拿著動物溝通器）：“點解...點解個天要咁樣玩我啊！！！我到底做錯咗啲咩，我已經系環保上落咗唔少嘅力...但...但...我的王朝...我的成就.....我生活的地方...為什麼.....”

（廠長跪在地上摸著曾經是海洋的石屎地，小聲喃喃著...）

廠長：我可以走到哪裡？我可以走到哪裡？這是我的地方，我在其他地方生存不了.....

廠長：呢度，系屬於我嘅地方，系我努力嘅地方，系我居住嘅地方...我寧願死系呢度...其他地方...根本唔適合我...”

廠長：哈哈哈哈（哭著）我跟那條白海豚有什麼分別？我們都是一樣.....

（海水已經浸到了廠長的頭，廠長慢慢站起來。但是，慢慢的...慢慢的...海水還是淹過了廠長的頭，慢慢地淹沒工廠。而在最後，廠長不斷地掙紮，閉氣作出唔唔唔的聲音，仿佛在說著什麼似的）

廠長：如果、如果、如果時間可以重來.....